

四川府縣志輯

中國地方志集成

民國遂寧縣志

民國蓬溪縣志

民國中江縣志



中國地方志集成

四川府縣志輯 ②①

民國遂寧縣志

民國蓬溪近志

民國中江縣志

巴蜀書社 ● 江蘇古籍出版社 ● 上海書店

中國地方志集成

四川府縣志輯②①

出版 巴蜀書社

(成都鹽道街三號)

印刷 成都東方福利彩印廠

發行

四川省
新華書店

責任編輯 王維新

封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

新修遂寧縣志序

家鉅

東髮受書時間鄉先輩談蜀中舊事莫不曰相業以張公

公爲最優科第以榜眼李仙根爲最早至以詩書畫三絕樹幟立

壇爲後賢所景仰企慕者前則潛叟呂半隱後則檢討張船山問

其人均遂甯也夫勝清一代二百餘年以總揆謚文端者蜀中僅

二人而遂甯居其一以鼎甲顯者蜀中僅三人而遂甯又居其一

他如風流儒雅海內知名如彭田橋王懷孟朱眉君李湘石諸君

子非不各負時譽然以半隱船山較之亦若有上下牀之別曩時

私心竊計以爲人才輩出如是非山川靈秀清淑之氣鬱積磅礴

遂寧縣志

卷一序

一

不克臻此常欲一涉其地親觀之以爲快丙寅駐軍遂甯見其山

水明秀風物清佳民俗尙樸而不失之野士習好儒而不失之浮

始信前賢之流風餘韻薰蒸涵育歷久不沫非偶然也

家鉅

仰止

前徽勗勉後進平時訓迪學校諸生諄諄以矩矱前賢追蹤先哲

爲言益欲於流俗波靡中默寓挽救之意當

家鉅

駐軍之始前知

事甘君炯熙查照縣會議案倡首修志未幾卸任以去邑紳前清

進士王君伯藩繼其事三閱寒暑至己巳春告竣蓋遂甯志書至

是已修纂四次矣王君所撰於原志無大增損於續志則刪節較

多至近二十年中政體之變易建置之遷改局署之存毀學校之

更張條分縷晰畧無遺漏所難者遂寧分縣畫界一事慘惻殊甚

疆域沿革尤須存信王君言之甚詳不特可備省志採擇即將來

民國一統志成亦得所依據焉則甚矣邑乘方志之所關大也

家

鉅樂觀厥成爰誌其概畧如此當今之世波詭雲譎有江河日下

之勢撫是編者時存扶衰救弊之心潛移默化隱示軌塗安見薰

陶漸染不有魁儒碩士如張李諸公接踵而起以增志乘之光者

乎是所望於邦人君子

民國十八年歲次己巳孟夏月中浣薄江李家鉅謹序

遂寧縣志

卷一序

二

新修遂寧縣志序

修史與修志之道其體要有四曰公曰謹曰簡曰核是已公則無所忌謹則無所阿私簡則弗至龐駁核則弗至漏遺非是者不僅不得爲實錄抑且不足備異聞也顧國朝之史與郡縣之志其秉筆往往難易不同者何哉則以史多述而志多徇故也夫馬遷承左國而纂史記范曄因荀謝而續漢書青蓋所出其迹殆不可掩矣至若記荆楚之歲時傳襄陽之耆舊志建安之土物其旁搜博討亦猶輪輿之功助斲削也況夫荒陬遐野委巷窮閭瑰奇卓絕之行事草蘆石室巖穴碑碣秘藏剝泐之文章又皆筆削之所遂寧縣志

卷一 序

三

屢遭輶軒之所未採而必待縉紳耆宿口談而手錄之然後乃能斟酌損益裒成巨帙而不悖乎公謹簡核四者之體要焉此修志之所由難於修史也斯志自前清張文端公訪求殘缺分別部居括以土地人民政事爲卷十二可謂謹且公矣逮清季葉續加編綴爲卷凡六篇帙較省而汰氣候時序之繁蕪補經濟藝文之闕畧可謂簡且核矣民國改造首修省志縣人承流再勞編訂卷僅增二分目四十有二特著戶口慈善實業交通諸門類此尤得其體要足以驗時勢之遷流而覘民生之急務者矣然而猶有說焉今夫縣與縣集而爲省省與省集而爲國故一代必有典章文化

之措施地方亦各有政教風俗之表著弗有紀載則無可以信今而傳後無所觀感則亦不能興善而存否然則有親民之責者視斯志之底成信文獻之足徵其能無懼惕於心而奮然以循良自勵也歟

民國十八年春三月下旬遂寧縣知事任希亮序於公署之東齋

遂寧縣志

卷一 序

四

序

志猶史也修史易修志難修平世之志易修亂世之志難史據歷朝之故實刪繁就簡事等於因志搜當代之新奇並蓄兼收事同於創故修史易修志難平世目張綱舉整齊畫一世遞推而遞嬗方策猶炳若日星亂世政息人亡離析分崩世愈變而愈非黨爭遂成爲冰炭故修平世之志易修亂世之志難遂寧濱涪江上游水陸交衝土沃泉甘物產豐饒人煙輻輳蜀中一大都會也由秦及漢隸州隸郡建置各殊唐宋以來代稱雄鎮明季崇禎遭流賊亂兵燹之餘黎民靡有孑遺文獻不足徵考清承有明之後一切

遂寧縣志

卷一 序

五

卷三

規制悉因其舊而斟酌損益之康熙二十八年聖祖南巡張鵬翮廵駕道經長洲於李光祿寓所得明楊芳洲太史陳子學中丞所修縣志數卷已殘缺不完逾年奉命撫浙遣人回籍採訪假館節署而詳加修輯焉嗣乾隆十二年浙右田朝鼎知縣事聘石門周彭年修之五十二年滇南李培恒知縣事聘渠縣寇寶言修之光緒二年古秦孫海知縣事聘中江李星根修之迄今又五十年矣天道十年而一變三十年一小變五十年一中變百年一大變此五十年中國體之變革民心之變更疆域之變遷政教之變易胥于其際不綜新舊而彙輯撰次之微特勝朝傳聞之軼事無由具

道其精詳卽興國創建之宏綱亦弗克深明其要領將何以信今而傳後哉有志者心竊憂之甲子冬縣會同議提及修志眾皆贊同越明年夏設局明倫堂聚處編纂屬余總其成而以徐君東平奉君四承協之同時任採訪者時則有若副貢汪品倫等三十二人任調查者時則有若附生王文淵等七人任編輯者時則有若舉人傅週澗等十五人任審察者時則有若拔貢鄧叙倫等六人甫開幕而軍事發生局所遷徙迄無一定靡安硯處延至己巳暮春四易寒暑始克蒞事書成凡八卷列四十二細目不分門類其中闕者補之新者增之蕪濫者芟之外訛者糾之非敢謂揆藻揚

遂寧縣志

卷一 序

六

卷二

芬足以潤色夫鴻業也不過蒐羅散佚摭拾陳遺藉供後人之考訂耳至不純不備之處時局未定靡所折衷掇而正之尙有待於將來同志之君子哉

民國十八年春前清庚寅科進士雲南文山縣知縣王懋昭謹撰

天下之有志自班固漢書地理志始也其卽夏之禹貢周之賦方
乎乃漢之地理郡國以下止載戶口縣邑職方十二州以下止載
山川數浸男女多寡其利其畜其穀出貢九州以下止載山川暨
壤之色賦之等物產之貢近世天下之志則自沿革山川形勝戶
口賦役物產而外兼載學校風俗人物選舉秩官祀典藝文諸大
事固不備具以故獻之人主俾人主一覽而周知天下之故五方
之戶口地形饒瘠奢儉滴橫文教之興替職官之賢否禮義廉恥
之修墜人材之盛衰皆燭照數計於是人主得施其劑量譬畫

遂寧縣志

卷一 舊序

七

xx8

焉方今朝廷一統志將成矣一統者何示王者無外也同軌之地
縣修其志以上於郡郡於所屬之縣志芟其繁者彙爲郡志以上
於省省於所屬之郡志芟其繁者彙爲省志以上於朝廷朝廷於
是命官彙各省之志修爲一統志此前代類然也余閱今所修一
統志至吾邑遂寧紀載曾不數版豈國體於下邑不詳抑縣志多
所闕失乎余故銳意思所以修縣志者莫謂縣志關於一統志特
細也蓋凡事起數於下基始於微郡縣仿古之封建故郡縣通於
井田九夫爲井四井爲邑四邑爲邱四邱爲甸四甸爲縣四縣爲
都制不起井邑則不成縣都矣一夫有遂遂上有徑十夫有溝溝

上有畛百夫有洫洫上有涂千夫有澮澮上有道萬夫有川川上
有路制不起遂徑則不成川路矣故邱山積神爲高江河合水而
爲大人合並而爲公自外入者有主而不執由中出者有正而
不距所以能合邱里而並天下一道德而同風俗也推之六鄉之
制起於五家爲比五比爲閭六軍之制起於五人爲伍五伍爲兩
莫不皆然則遂寧之縣志其有係於西蜀之全省者豈其緩哉推
之而凡吾蜀之如遂寧天下之如遂寧者又豈其緩哉獨是成吾
遂寧之志其較難於天下之縣志者蓋萬萬也天下之縣志皆數
十年而一修成書具在守令藏之遞相傳受邑之薦紳先生衣冠

遂寧縣志

卷一 舊序

八

xx1

之族莫不抱牘而考故實子孫世守踰時一修特踵其事而增之
耳吾邑舊志有馬崇文叙成於陳中丞楊太史蓋前明嘉靖時迨甲申
乙酉間獻賊破城邑人殲焉詩書不灰燼乎有於頽屋瓦礫中得
志下卷半皆蠹蝕李長洲收之哀附論著授其子李光祿未就余
憫邑志之云亡悼先正之莫究遂搜前典訪故老不啻探魯恭之
壁間經伏生之口授踰年而後卒業志之中不具述余有傷者二
賦役學校昔賦七千兩贏今賦增定僅十二兩有奇丁止五口而
已余守吳吳之劇邑地丁至數百萬昔學殿廳堂閣齋舍亭坊嚴
且翼犁然可考今學經兵燹明倫堂甫竣工大成殿方有事焉余

守矣。蜀閬里車馬器猶在。嗚呼。何其不逮也。有幸者。一風俗。土產。邑之作。魏徵言。頗慕文學。時有斐然。舊志謂民勤耕織。士登禮諱。且居官者。以致富爲恥。一命而上。鮮以贓敗。所由與齊。尙夸。功利遠矣。邑之產。稻稷麥菽芋蔬。果核絲綿鹽井而已。所由與金玉纂組者。異矣。嗚呼。鄒魯文學。唐魏勤儉。其殆庶乎。昔周禮小史掌四方之志。卽今郡縣之志也。又周禮誦訓掌道方志。謂王巡狩。則道一方之山川物產。使有所觀覽。而知其始末。余志成。亦欲上之郡省。以備國家輶軒之採風。庶幾長養生息。廣勵學宮。興醇化而敦本業。則傷者可不傷。而幸者果大幸矣。

遂寧縣志

卷一 舊序

九

又乾隆十二年

周彭年 石門

遂之於蜀。夙稱平遠。且謂水陸所湊。宋范石湖帥蜀。經此賦有半年。崎嶇得夷路。一笑未暇。憐飄蓬。句其微也。今雖以縣治在昔。爲州。爲郡。爲府。爲大藩。爲節鎮。則歷視爲要隘矣。至古今人材輩出。風俗淳美。爲全蜀冠。茲且賦甲兩川。洵爲屹然巨邑。其志先作於明嘉靖陳中丞。講楊太史名。迨崇禎甲申乙酉。疊遭獻賊之亂。志遂無存。國朝康熙二十八年。張文端公扈駕過吳。於李光祿宅。始得殘志。先經光祿父長洲公論著。文端復加搜訪。明年。鐫於浙撫任。迄今幾六十年矣。惟是文端搜訪於浙。長洲論著於吳。兩公雖

皆邑人。咸於數千里外。遙爲束筆。事每缺畧。及今不修。則前此之遺軼。與近有之名宦鄉賢文章韻事。日就湮沒。他日考文徵獻之君子。暨天子輶軒之採風。能免淪落無稽之嘆。其責要惟司土者是歸。乾隆八年。外兄田君象三。莅任茲邑。時余客都門。承札遠招。適遇邑呂孝廉其博。赴任。竹山同車出都。其構文肅公之嫡孫也。途中以邑志宜修爲囑。及余抵遂。未言竹山公所囑。而外兄先以志事汲汲爲言。是竹山公與外兄未相識。而修志事有同心也。余固未敢以茲事爲已任。顧外兄每因公卿。同曰某處得一碑記。原志未載也。囑收之。又幾日。曰某處得一官名。原志未載也。囑收之。

遂寧縣志

卷一 舊序

十

又謂某集可搜羅某志可參考。又謂邑沿革與秩官科甲宜各倣史作表。詎託再三。余爰不揣譾陋。竭力搜討。不廢晨夕三閱月。而就草。又一月。而清緒先質諸外兄。昆季繼質諸邑中耆宿。又上之潼川郡尊榮公。各加參校。考訂而書成。於是郡尊有序。外兄有序。余亦因贅數言。嗚呼。余果何知。特懼六十年來名宦鄉賢文章韻事。與前此遺軼。日就湮沒。勉從外兄教。及竹山公所囑。代爲輯錄。聊以信今。傳後。云爾。若揆藻摘華。尙以俟博雅君子。

又乾隆十二年

田朝鼎 語溪 象三

前大學士文端張公編遂寧縣志凡四卷區類二十有一。茲本前

光祿卿李公藏稿參稽增益而修於撫浙之日者也文端淹雅清
慎爲賢宰相光祿家學淵源稱名進士二公才識卓絕以邑人誌
邑事宜其典文該治足以信今而傳後矣間有啟後學吹求如凡
例所陳者光祿客寓長洲於是書固未嘗卒業而文端膺圖寄總
師于政務紛運殆未暇一一檢校乎其書之成在仁廟二十九
年歲之庚午距今甲子將週矣典章制度隨時損益亦安可謂昔
之志卽今之志弗煩更作也朝鼎承乏遂寧自問寒劣不堪致遠
而重事有職敢不盡力馳驅蒞任之初卽知邑志宜修因隨事札
記積累若干乾隆十年乙丑之夏撫部院飭州縣編輯志書或修

遂寧縣志

卷一 舊序

土

又 乾隆十二年

潼川府知府 柴鶴山

聖朝撫有區宇幅員袤廣度越千古世宗孝憲皇帝簡儒臣增修
一統志所以示無外者規模宏遠矣顧非邑志無以成郡志非郡
志無以成省志非省志無以奮萃損益而成一統志則邑志者固
繪之質屋之基也廟堂之上安能時遣軺車分行都邑以任筆削

而謂美其質築其基非守土之職哉乾隆八年大中丞紀公奉命
安撫全蜀文經武緯吏治肅清十年夏通飭各屬志書昭官守
凡經明末兵燹圖籍散亡者檄令修補殘缺甚則創始纂編務其
整頓地方仰負我九重化民成俗之至意士有一年秋八月遂寧
令田朝鼎申志稿於守閱其序例蓋本張文端舊志分門別類體
製合宜卽修飾考校視昔加嚴成志凡若干卷原編仍列不沒前
人之善也至其用意之周則舉僻壤荒陬斷碣殘碑固不搜羅殆
遍實之貴之復遠稽近考以抵於核實可信間有文獻無徵者仍
闕疑而弗斷以臆見夫自明季疊遭流寇蹂躪簡冊蕩然蒐討良
遂寧縣志

卷一 舊序

十二

又 乾隆五十二年

潼川府知府 張松孫 長洲

經之降者莫過乎史修史之難無過於志成遠則異同難審事積
則起訛易疏或有同歸一事而數人分功兩記則失於複重偏舉
則病於不周斯固總會之難也周官小史掌邦國之志采於瞽矇
陳諸太史所以觀民俗之清濁考政治之興廢不恭重歟後世郡

邑有志胥助於是今地方長吏每營擾於簿書錢穀之不暇視邑
乘有無爲無足輕重聽其泯蝕於蝸涎蟬腹者有之偶有一二賢
良留心文獻必設局籌費先如聚訟延致名宿廣集紳耆分任採
訪巧爲先人附一名立一傳餽賂相將是非倒置吹霜噴露寒暑
筆端不免如陳壽希求方作佳傳十羊九牧何所適從閭閻含毫
汗青無日人自以爲苟哀家自以爲班馬予甚恥焉乾隆癸卯秋
奉命典郡梓州於教養之事次第興舉見一府八縣志乘闕畧遂
以重修爲已任因思古之國史皆出自一家如魯漢之邱明子長
晉齊之董狐南史咸能立言不朽藏諸名山未聞藉以眾功方云

遂寧縣志

卷一 舊序

十三

絕筆予謫陋未嘗學問何敢方駕古人亦欲取法乎上成一家言
乃博集羣書百餘種先詳覽而會通之分檄八屬共相採訪自始
事迄今三更裘葛樂此不疲皆資一手最後乃及遂寧非敢緩也
緣邑志爲相國張文端公原本其間改綴增芟必須倍加慎重雖
經前令田朝鼎續增纂輯歷年復久無論體裁尙有未協卽應增
訂者亦多適滇南李君培垌來宰是邑振興學校講求吏治雅有
同治爰屬廣文紳士分事諏訪予得按部就班詳稽確核依郡志
例分綱列目成書十二卷計二十餘萬言自信已無遺憾今而後
予志遂而志事畢矣夫邑爲唐節鎮重地川北一大都會也境壤

廣袤版土肥沃城池所建環繞羣山而襟帶涪江靈秀磅礴佳氣
盤結宜乎物產蕃庶貢賦饒多維嶽降神甫開出湖而代至不
朝不少瑰奇磊落之士舉於魚鹽版築之中作霖雨而潤蒼生燭
功勳而錫鐘鼎他若忠孝節義高人隱逸亦代有標著輝映後
皆足爲邦國之光吾知邑之人士將必有繼簡牘文端而起者其
書也雖無采經摭傳之美不免記繁志寡之失而斟酌前志考正
異同靡而不穢詳而有體後之君子不以質直無文恕予之拙則
誠幸甚

又乾隆五十二年

翰林院檢討 寇賁言 渠縣

遂寧縣志

卷一 舊序

十四

志與史通史者古今治亂之源國家盛衰之理之所係也志則辨
風俗之清濁考政事之得失他如山川險易土物良枯今昔沿革
胥於是乎在固與史相爲表裏者也有地方之責者顧可視爲緩
圖哉考之周官外史掌四方之志卽今郡邑之志是也而邑志又
卽郡志省志所託始卽太史纂修國史亦得以憑藉焉志與史名
雖異而實同故掌外志卽謂之外史天下志乘備儲史館余前協
修國史爲文端相國傳曾緝閱遂寧志文獻足徵較他邑特詳文端
遂人也公先創修邑志厥後令田朝鼎重修之距今又四十餘
年我國家累洽重熙德教敷於四海制度日益詳生民日益盛維

茲一邑所以爲治之道亦久而益備如創革職官名宦選舉人物列女等門之應增入者固多即體裁間有未協亦宜隨加修飾吳越鶴坪郡伯癸卯歲養梓留心教苴凡所有事莫不次第興舉駸駸乎政簡刑清治臻上理見一府八縣志舊多缺畧遂立意修輯考文徵獻三閩寒暑郡邑志以次觀成最後乃及遂寧今亦哀然成帙矣余快而讀之體裁嚴整不拘常格出以史筆分綱列目以土地人民政事爲綱以山川風俗官師選舉學校貢賦之類爲目殫精畢慮探本窮源體例未合者正之事跡之應增者益之莫不折衷至當歸諸詳備凡期有神於治而已即起文端公而贊之當遂寧縣志

卷一 舊序

十五

亦樂其有同心也嘗考天下之有志自班固漢書地理志始夫固作史雄才也其序事也瞻而不穢評而有體使讀之者聲聲而不厭余讀是志擇焉必精語焉必詳自成一家直不難方駕古人以視汗青頭白牴牾不敢自保者何如哉昔元稹謂杜工部詩善陳時事法律精深號爲詩史余於是志亦即謂之志史也可乎否

又 乾隆五十二年

李培恒 午橋

蓋以西京作論旨傳風俗之通東觀昭文事修百官之表應汝南盱衡當代志人物而成書王武子標舉鄉邦撮山川而寫勝是皆驚才之著述大都作志之權輿亦越於今蔚然斯備要惟足垂俟

乎其人遂志自李光祿僑寓吳門獨抱殘而守缺張文端開府浙右始釐訂爲完書文獻于以足徵損益待諸其後迨乎田令復爲增輯視舊加詳分門者凡三十六類爲時既久歷今也又四十二年郡伯鶴坪張公典領梓州清香畫戟文章直替左司銅鶴調琴風節羣推清獻漢文翁導民禮教既興起於詩書員半千爲政風流史粉澤以文雅萃八邑之志乘盡一已爲網羅遂志之修載事維後視前昔者加美備焉塞夫筆墨泐泐洋敵左秘書蜀都之賦體裁嚴潔具劉知幾良史之才固已起越乎方輿勝覽而遠過夫華陽國志也矣培恒備員斯邑有志前修對編簡以懷慙製錦無能遂寧縣志

卷一 舊序

十六

空豔心於縞虎撫丹鉛而莫贊彈琴自麗實仰首於高山幸茲人士之音微得藉燕公之手筆用弁數語謹附書名

又 光緒三年

孫海

遂甯爲東川名邦唐宋以前遠不論矣有明之席氏呂氏黃氏國朝之李氏張氏皆以文章經濟焜耀宇內爲江山生色而近代之船山先生尤爲篇籍其詩篇字跡幾於家有而戶存乃索之志乘則並無先生之名蓋縣志之闕修者九十餘年矣丙子暮春余來宰斯邑深詫以文物聲名之地而文獻弗徵若是非守土者之咎與乃邀集先生從姪西園及邑中搢紳設局鳩資聘訂中江李斗

垣廣文秉筆削八閩月而事集將以今秋付手民而余去縣之微
下矣嗚乎宦海中之升沈來去腐而無足道顧念石火電光回頭
皆夢雪泥鴻爪轉瞬生塵此數月中余與諸君之心力萃焉不可
令其湮沒而中輟也且事難圖始今既哀然成帙則爲力較易況
數十年來之名賢耆舊卓行鴻文將於是不寄焉更不可不樂觀
厥成也因屬諸君始終其事並請後任胡若川太守董其成行有
曰矣諸君請余一言爲序因走筆書數語相貽他日刻成置之簡
末其文法義例損益詳畧則讀者自能知之無煩鄙人之讚述也

遂寧縣志

卷八 舊序

十七

跋

張頤鑑

遂寧自志自先文端公巡撫浙西時始纂定爲完書繼而縣令田
公復詳加增補歲癸卯太守張公來守梓郡越明年政通人和百
廢具舉乃屬其郡之士庶而告之曰予不敏承乏是邦從諸大夫
之後思夫爲治之道必先以正民心爲本而正民心必先於作民
氣以觀感之民無所則傲氣亦無由振甯是郡縣志之修不可
以不與凡爾所知其廣爲採輯毋濫毋遺以助予不逮已而一其
概於縣令長復博搜廣採集其事以上於郡其年郡志成又二年
七邑之志成復逾年而遂寧之志始成是時宰遂邑者爲潯南李
遂寧縣志 卷 跋

公培士氣勸教養躬任採訪不遺幽微故能濟公之美以克底於
成蓋自田公後縣志不修者垂四十年公一旦而力舉之嗚呼偉
矣張頤鑑曰政教之興豈不以其人哉夫民志之興與之自上民
習近而忘遠十年之事相與信之百年之事相與忘之矣卽有一
二英傑特達之士姓字常不泯於人口然亦第相與傳焉道焉似
無與於己也惟其目所及見之人耳所習聞之事一旦華袞之衰
載諸志乘則莫不太息焉曰若吾所猶見者也若吾祖父所嘗從
遊也今遂已表而顯之不與草木同腐善果無不錄而泯滅者無
終窮其感勵之心有不油然而生者哉是知志也者所以感世勵

俗亦所以發潛明微其功甚鉅其效尤非淺鮮也然則郡縣之志果可以不修哉公以爲政餘力而念及此知公之所存者大矣若夫志載山川風俗賦役物土之宜體例精筆削嚴夫固千人所共見而知爲不朽盛事也鑑何容贊一辭焉

遂寧縣志卷首

凡例

一本志因國體變遷遂潼分縣另行修訂凡舊志體例不適於現在情勢概予刪去應定名曰民國遂寧縣志

一沿革爲地志要領諸說紛紛莫衷一是今謹依前清一統志表及四川通志沿革說載入以免歧異

一疆域形勢四至距離遠近繪圖列說以遂潼分縣定界後爲標準其鎮鄉山川津梁堤堰祠廟寺觀古蹟隸屬潼南者不再列入

遂寧縣志

卷一 凡例

一

一物產非縣地特出者但臚列其品類不詳誌其形狀性質以省煩瑣

一賦課以原額爲定其賦稅及暫時附加者附錄於后以示區別

一職官自改革以後名目變異前清自知縣以下民國自知事以下各列爲表以明朝代

一選舉一門在前清爲士子出身之路列表至恩拔優副歲止在民國爲國民代表之人列表至縣議事會止至各學校學生有中學及師範畢業者表列於后以免淆混

一鄉宦文武兩途以留經補授委署有缺或分發省分及歸部

銓選者爲限其援例捐納虛銜者一概不錄

一忠孝節義風教所關應搜求彰以爲興起後人之導

一學校爲陶鑄人才之地縣立男女各等學校及外國各學校

分設是境者均列表詳志以徵大同文化之進步

一戶口之調查所以作後來之比較或增或減於國家之強弱

有絕大關係司牧者當留心撫字

一藝文不立專門附於各門之中其無門可附與各門事實不

相關涉者姑從刪去

遂寧縣志

卷一 凡例

二

一生存人著述雖佳不錄卽行誼卓絕亦不輕列其中示杜嫌

也

一祥瑞災稔說近荒渺統以雜誌記之

遂寧縣志卷首

序

凡例

目錄

姓氏

卷一

輿圖

沿革

疆域

遂寧縣志

卷一 目錄

一

城池

區市

山川

寨堡

隄堰

津梁

古蹟

卷二

衙署

塘鋪

祀典

風俗

寺觀

墳墓

封蔭
藩封附

卷三

選舉

鄉宦

遂寧縣志

卷一 目錄

二

卷四

鄉宦

卷五

學行

才能

孝友

忠義

隱逸

流寓

列女

女土

卷六

大年

宗教

法團

機關

職官表三

政蹟

遂寧縣志

卷一 目錄

三

戶口

倉儲

稅則

慈善

卷七

學校

學廡附

書院附

實業

交通

卷八

物產

雜記

補遺

遂寧縣志

卷一 目錄

四

遂寧縣志卷首

纂修姓氏

監修

署遂寧縣知事 甘肅

署遂寧縣知事 汪志皋

署遂寧縣知事 許肇恒

署遂寧縣知事 包紹卿

署遂寧縣知事 許昌翼

署遂寧縣知事 馬光

遂寧縣志

卷一 姓氏

署遂寧縣知事 蘇良驄

署遂寧縣知事 任希亮

主修

遂寧縣議事會議長 詹映清

遂寧縣議事會副議長 余金錫

協修

遂寧縣教育局長 楊廷騭

遂寧縣教育局長 羅恩澍

遂寧縣教育局長 陳應材

遂寧縣教育局局長 奉楷

總纂

清庚寅恩科進士雲南文山縣知縣 王懋昭

協纂

清癸卯科進士吏部主事 徐寬

清癸卯科副榜國會議員 奉楷

審察

清己酉科拔貢雲南試用知縣 鄧敘倫

遂寧縣志

卷一 姓氏

二

清 孝廉方正廩膳生 詹炳宇

清 附生縣參事會參事 余文簡

清 附生縣參事會參事 鮑從龍

縣議事會議員農會會長 張隆彥

四川高等師範畢業生縣教育會會長 鄒貽禮

編輯

清壬午科舉人署雲南新平縣知縣 傅迴淵

增 廣 生 馮東曙

歲 貢 生 趙維勳

歲 貢 生 段會昌

歲 貢 生 徐從周

歲 貢 生 張士魁

廩 膳 生 唐鴻猷

附 學 生 蔣廷燦

附 學 生 王紹曾

附 學 生 段大瑩

附 學 生 王光漢

附 學 生 歐陽壽同

遂寧縣志

卷一 姓氏

三

附 學 生 詹福年

縣立第一小學校校長 梁大寅

四川高等師範畢業生 廖應韓

調查

附 學 生 王文淵

附 學 生 林德馨

四川通省師範畢業生 全照臨

四川公學畢業生 陳歷材

潼川中學畢業生 田子駿